

REGIONALNI STAMBENI PROGRAM-RSP

Broj: 04-36-1-134-6869 /13
Datum: 12.10.2016. godine

Na osnovu člana 70. stav (1) i (3) Zakona o javnim nabavkama Bosne i Hercegovine („Službeni glasnik BiH“, broj: 39/14) i Rješenja o ovlaštenju federalnog ministra raseljenih osoba i izbjeglica, broj: 04-36-1-134-26/13 od 20.09.2013. godine, a na Preporuku Komisije za javne nabavke imenovane Rješenjem broj: 04-36-1-134 - 6635/13 od 09.08.2016.godine, Projekt Menadžer *donosi*:

ODLUKU

O IZBORU NAJPOVOLJNIJEG PONUĐAČA

I

U cilju odabira najpovoljnijeg ponuđača, prihvata se preporuka Komisije za javne nabavke u provedenom Otvorenom postupku javne nabavka usluge izvođenje građevinskih radova na izgradnji stambenih jedinica u općinama: Vogošća (3 stambene jedinice), Hadžići (2 stambene jedinice) i Stari Grad-Sarajevo (1 stambena jedinica), u okviru BH1 Pod-projekta, Regionalnog stambenog projekta ,10/16-RSP ugovor za javnu nabavku dodjeljuje se ponuđaču: **KOLINVEST DOO SARAJEVO** sa registriranim sjedištem u ul. Hamdije Čemerlića br. 37 71000 Sarajevo, JIB: 4200226040009, kao najbolje ocijenjena prihvatljiva ponuda.

II

U skladu sa provedenim postupkom iz člana 1. ove Odluke, svoje ponude su dostavili slijedeći ponuđači:

Rb.	Naziv ponuđača	Datum i vrijeme zaprimanja ponude	Ukupna cijena na javnom otvaranju KM (bez PDV-a)
1.	TEHNO-PROMET DOO ZENICA	08.09.2016.godine u 08:05 sati	176.308,39 KM
2.	KOLINVEST DOO SARAJEVO	08.09.2016.godine u 09:05 sati	160.506,57 KM
3.	ZZ „GROS COMP“ p.o. HADŽIĆI	08.09.2016.godine u 09:30 sati	177.820.43 KM
4.	DEBOS DOO SARAJEVO	08.09.2016.godine u 09:40 sati	277.526,48 KM

III

Komisija je koristila tabele za ocjenu formalnih i tehničkih uslova ponuda, kako bi procijenila usklađenost svake ponude sa formalnim i tehničkim zahtjevima tenderske dokumentacije u skladu sa Zakonom o javnim nabavkama („Službeni glasnik BiH“, broj: 39/14), te je konstatovala da sve pristigle ponude ispunjavaju formalne i tehničke uslove, izuzev ponude ponuđača ZZ „GROS COMP“ p.o. HADŽIĆI, te su prihvatljive za ugovorni organ i mogu biti predmetom vrednovanja.

Ponuda ponuđača ZZ „GROS COMP“ p.o. HADŽIĆI je odbačena u skladu sa članom 68, Zakona o javnim nabavkama („Službeni glasnik BiH“, broj 39/14), razlog za odbacivanje ponude je što ponuđač radi dokazivanja uslova iz člana 47. Zakona o javnim nabavkama Bosne i Hercegovine („Službeni glasnik BiH“, broj 39/14), tačke 7.3. i podtačke 7.3.1 tenderske dokumentacije koje se odnose na ekonomsku i finansijsku sposobnost, odnosno na solventnost ponuđača (da transakcioni račun firme nije blokiran u periodu od 17.08.2016.godine do 16.02.2016.godine), nije dostavio potreban dokaz – validnu potvrdu Poslovne banke o solventnosti ponuđača. Ponuđač je dostavio potvrde Poslovne banke o solventnosti ponuđača izdate od Unicredit Bank dd Filijala Sarajevo i Raiffeisen Bank Sarajevo od 08.07. 2016.godine, ali iste nisu prihvatljive jer se tenderskom dokumentacijom tražila potvrda o solventnosti u posljednjih 6 mjeseci od datuma objave javnog poziva (17.08.2016.godine).

IV

Od prihvatljivih ponuda koje ispunjavaju uslove zahtjevane tenderskom dokumentacijom, a u skladu sa kriterijem za dodjelu ugovora (najniža cijena), nakon ispravke računске greške kod ponuđača **KOLINVEST doo Sarajevo**, izvršeno je rangiranje istih kako slijedi:

RB/ponude	Naziv ponuđača	Cijena prihvatljivih ponuda		
		Cijena ponude bez PDV-a	Popusti	Ukupna cijena ponude sa popustom bez PDV-a
1.	KOLINVEST DOO SARAJEVO	162.116,51 KM	-	162.116,51 KM
2.	TEHNO-PROMET DOO ZENICA	181.761,23 KM	5.452,84 KM	176.308,39 KM
3.	DEBOS DOO SARAJEVO	326.501,74 KM	-15% 48.975,26 KM	277.526,48 KM

Ugovorni organ dodjeljuje ugovor ponuđaču **KOLINVEST DOO SARAJEVO** sa registriranim sjedištem u ul. Hamdije Čemerlića br.37 71000 Sarajevo, JIB: 4200226040009, u skladu sa kriterijem najniža cijena tehnički zadovoljavajuće ponude.

V

Dokaze o kvalifikaciji ponuđača, ponuđač je obavezan dostaviti u roku od 5 (pet) dana od dana dostavljanja Odluke o izboru. Ukoliko izabrani ponuđač ne dostavi traženu dokumentaciju u određenom roku, ugovor za javnu nabavku dodjeliće su drugorangiranom ponuđaču u skladu sa članom 72. stav 3. Zakona o javnim nabavkama.

VI

Odluka stupa na snagu danom donošenja.

Obrazloženje

Ponuđač **KOLINVEST DOO SARAJEVO** dostavio je u predmetnom postupku javne nabavke prihvatljivu ponudu u skladu sa Tenderskom dokumentacijom, u iznosu od **162.116,51 KM** bez PDV-a, koja je prema kriteriju za izbor ponude (najniža cijena) ocjenjena najpovoljnijom od svih prihvatljivih ponuda.

Obzirom da je ponuda ponuđača **KOLINVEST DOO SARAJEVO** ocjenjena kao prihvatljiva i sa najnižom cijenom, Komisija za javne nabavke je dala preporuku za prihvatanje ponude i donošenje Odluke o izboru najpovoljnijeg ponuđača, za predmetnu nabavku u skladu sa članom 70. Zakona o javnim nabavkama BiH („Službeni glasnik BiH“, broj: 39/14). Uzimajući u obzir naprijed navedeno odlučeno je kao u dispozitivu ove Odluke.

Po okončanju roka za žalbu, ugovorni organ će pozvati odabranog ponuđača na zaključenje ugovora kojim će se regulisati međusobna prava i obaveze vezane za predmetnu nabavku shodno nacrtu ugovora datom u tenderskoj dokumentaciji.

POUKA O PRAVNOM LIJEKU:

Protiv ove Odluke svaki od ponuđača koji je učestvovao u postupku nabavke može izjaviti žalbu, najkasnije u roku od 10 (deset) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine, putem ugovornog organa Federalnog ministarstva raseljenih osoba i izbjeglica u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

PO OVLAŠTENJU MINISTRA

Sulejman Alijagić
Projekt Menadžer

Dostaviti:

- Svim učesnicima u postupku
- Web stranica Ministarstva
- Odjel za javne nabavke
- a/a